


Kiwanis Club of San Nicolas cu hopi proyecto pa hubentud



ORANJESTAD (AAN): Durante un conferencia di prensa convoca Dialuna atardi na The Movies @ Principal na San Nicolas, un campaña nobo a wordo anuncia y sigur e miembronan di Kiwanis Club of San Nicolas ta sumamente orguyoso di esaki.

Artaiza Frazer ta director di PR di Kiwanis Club of San Nicolas, den presencia di Devin de Veer kende ta Sales and Marketing Coordinator di e cinema, a lanza un campaña special pa va-

kantie grandi. Nan lo bay tene anochinan tematico na Principal Theatre, y riba Menu lo aparece un "Kiwanis Combo". Cumprando esaki, bo ta contribui cu 10% na yuda comunidad bek via Kiwanis.

Apenas na Januari 2020, e club nobo aki a wordo funda y rapidamente a haya 25 miembro dinamico cu ta cla pa traha, y tin varios proyecto prepara.

Segun Frazer, e crisis di Coronavirus no a stroba nan tampoco durante Shel-

ter-in-Place. E club a crea un evento di "Quarantine Challenge" pa muchanan online. Prome cu esey nan a participa na Aruba Doet, unda nan a verf e biblioteca pa Colegio Santa Theresita.

Tambe e club a haci e Four Week Quarantine Challenge cu tambe tabata exitoso, cu hopi participacion di muchanan.

Despues di esey a organiza un Food Drive pa beneficia Meals on Wheels Foundation pa asina nan



por tin cuminda cayente pa 3 luna pa suministra comunidad.

Tambe Frazer a bisa cu nan a organiza un proyecto unda mas di 100 alumno na San Nicolas a ricibi pakete di cuminda pa nan famia. Esey tabata algo importante cu nan a haci durante e crisis di Covid-19. Esaki a wordo haci den colaboracion cu Fundacion Pa Nos Comunidad y Kiwanis Nederland.

Net prome cu vakantie nan a sorprende maestro- y maestranan di San Nicolas

cu un gesto di aprecio pa principalmente nan pasenshi, pa e trabao, y dedicacion cu ta duna tur dia na e alumnonan. Un total di riba 200 maestro a haya esaki.

Artaiza Frazer a muestra cu un proyecto cu aworaki ta andando ta un K-Fit Summer pa hobennan participa online, unda bo por haci ehercicio, enfoca riba bo bienestar, yoga, zumba, con pa cushina na forma simple durante e Stay Cation aki.

Clifford Rosa, director, a splica:

Stichting Rancho a haya un bon charla tocante "Seguridad di Alimento"

ORANJESTAD (AAN) – Den entrevista cu Matutino DIARIO, Clifford Rosa, director di Stichting Rancho, a referi na e bishita na e fundacion, di un experto den cultivo y alimentacion, cu ta un tema cu e fundacion ta promove, el a wordo pidi pa duna un charla.

Clifford Rosa a menciona cu nan a keda contento cu e experto aki a bin Aruba y a tuma contacto cu Stichting Rancho y a mira kico e fundacion ta haciendo tambe, como trabao comunitario, y tambe a hala su atencion e tema di seguridad di alimento cu Stichting Rancho ta trahando riba dje.

Mirando cu e fundacion



a cuminsa cu e proyecto Hofi den Bario, sr. Arends a bishita e prome tayer di trabao cu a wordo duna e siman aki. Nan a cuminsa cu e tema "Ban Planta" y a pidie si e por duna un charla mirando e tema cu nan tabata tratando.

E tema di cultivo y agricultura ta uno special awo durante e pandemia di Covid-

19, Clifford Rosa a splica, agregando cu e fundacion ta trahando riba seguridad di alimento for di prome, unda tur e temanan aki ta bin dilanti.

Clifford Rosa a comenta cu e tema cu mas a capta su atencion di sr. Arends ta e "labeling" pa asina haya sa unda e comunidad ta para aworaki "pasobra nos me-

sun un cuminda nos no sa si ta bon pa consumo", el a expresa.

El a agrega cu den e region semper tabata tin un polemica tocante kico e pueblo tin como alimento, y hopi informacion a wordo duna durante e charla aki.

Hopi preocupacion cu Fundacion Rancho tin a bin dilanti, pa loke tin di haber cu seguridad di alimento.

Sr. Rosa a expresa cu e por compronde cu Aruba ta un isla chikito y e comunidad a lanta cu un historia, pero e tin un historia social problematico tambe, unda a scucha cu e aspecto di Cannabis Medicinal ta yuda, tin biaha, diferente problema social. E ta kere

cu esey ta un parti importante tambe pa tene cuenta cune. El a mira esaki como un oportunidad pa Aruba, ya cu Fundacion Rancho tambe ta traha riba e tematica di Desaroyo Economico di Rancho, Oranjestad y Aruba en general. Nan ta boga tambe pa e punto 17 di desaroyo sostenible di SDG, pa nan haya sikiera un tiki colaboracion riba e tereno cu e fundacion ta trahando den dje.

Temanan cu nan por trece dilanti den auditorio di Museo Arkeologico pa educa e comunidad y dune informacion na un manera corecto di locual e fundacion kier haci y logra hunto cu e comunidad tambe.